

# STARFSLEYFI

## fyrir fiskeldisstöð Dyrhólalax hf., Dyrhólaós, Mýrdalshreppi.

### 1. Almenn ákvæði.

- 1.1. Starfsleyfi þetta gildir fyrir framleiðslu á allt að 5 tonnum af laxi og 5 tonnum af bleikju í matfiskastærð. Samtals allt að 10 tonna ársframleiðslu í eldiskvíum. Ennfremur til aðstöðu til hafbeitar með seltuadlögum fyrir 30.000 laxaseiði, 20.000 sjóbirtingsseiði og 20.000 bleikjuseiði á ári.
- 1.2. Eigi má breyta eða auka þennan atvinnurekstur ef það getur leitt til aukinnar og/eða annarrar mengunar, nema að fengnu nýju starfsleyfi.
- 1.3. Á öllu athafnarsvæði stöðvarinnar skal gæta fyllsta hreinlætis og skal öllum úrgangi komið fyrir samkvæmt fyrirmælum heilbrigðisnefndar. Stöðinni ber að halda útliti sínu og umhverfi snyrtilegu og staðsetning, litaval og frágangur mannvirkja verði ákvarðað í samráði við fulltrúa Náttúruverndarráðs.
- 1.4. Um umgengisreglur, sóttthreinsun og meðferð sýktra og sjálf dauðra fiska fer samkvæmt reglugerð nr. 403/1986, um varnir gegn fisksjúkdómum og heilbrigðiseftirlit með fiskeldisstöðvum.
- 1.5. Um varnir gegn skaðlegum áhrifum á starfsmenn og starfsumhverfi fer samkvæmt lögum nr. 46/1980 um aðbúnað, hollustuhætti og öryggi á vinnustöðum.
- 1.6. Mengunarvarnir Hollustuverndar ríkisins geta, að höfðu samráði við umsagnaraðila, lagt til við heilbrigðis- og tryggingamálaráðherra að starfsleyfið verði endurskoðað, ef í ljós kemur hætta á skaðlegum áhrifum á heilsufar almennings, heilbrigði eða tilveru náttúrulegra fiskstofna, vegna röskunar á lífríki eða að hætta verði á að náttúruminum verði spillt. Sama gildir ef almennar kröfur, ráð og tæki koma til aukinna mengunarvarna.
- 1.9. Stöðinni er skylt að gefa Hollustuvernd ríkisins árlega skýrslu um eftirfarandi atriði sé þess óskað: Framleiðslumagn, fóðurnotkun og fóðurgerð, magn og gerð hreinsiefna, sóttthreinsiefna og lyfja sem notað var á árinu.

### 2. Varnir gegn mengun umhverfis.

- 2.1. Stöðinni er skylt að sjá um að vegna eldsins verði ekki í umhverfinu:
  - a) Set eða útfellingar
  - b) Áberandi þekjur af rotverum
  - c) Sorp eða aðrir aðskotahlutir eða efni sem valdi óþægilegri lykt, lit, gruggi eða geta valdið smithættu.
- 2.2. Frágangur vegna hreinlætisaðstöðu skal vera samkvæmt fyrirmælum heilbrigðisfulltrúa.

- 2.3. Stöðin framkvæmi reglulega mælingar á umhverfisþáttum í Dyrhólaós. Miðað er við eftirfarandi þætti: hitastig, seltu, súrefni og æskilega einnig grugg. Niðurstöður þessara mælinga verði sendar Hollustuvernd ríkisins.
- 2.4. Ef í ljós koma óæskileg mengunaráhrif vegna stöðvarinnar er stöðinni skylt að gera ráðstafanir til úrbóta þ.m.t. draga úr framleiðslu. Ráðstafanir stöðvarinnar verða að vera samþykktar og fullnægjandi að mati mengunarvarna Hollustuverndar ríkisins.

### 3. Varnir gegn umhverfisspjöllum.

- 3.1. Sanddæling fari þannig fram að ekki skerðist grjóturðin undir hömrum. Dyrhólaeyjar, sem er mikilvægt fyrir varp æðarfugls. Dyrhólalax hf. jafni úr því efni sem kemur upp við dælingu ef sýnt þykir að á því sé þörf. Samráð verði haft við eftirlitsmann Náttúruverndarráðs með Dyrhólaey áður en dælt er.
- 3.2. Hlið verði sett á veginn sem lagður verður vegna fiskeldisins og girt að því til að hindra óviðkomandi umferð.
- 3.3. Framkvæmdaaðilar taki tillit til varpsins í Dyrhólaey, umgengni við það og tenging kvía við land verði í fullu samráði við landeigendur.

### 4. Gjaldskrá.

- 4.1. Stöðin skal árlega greiða eftirlitsgjald í samræmi við gildandi gjaldskrár eins og þær eru á hverjum tíma sbr. reglugerð nr. 390/1985, um starfsleyfi fyrir atvinnurekstur sem getur haft í för með sér mengun og gjaldskrár sem settar eru samkvæmt reglugerðinni og lögum nr. 109/1984 ásamt síðari breytingum, um hollustuhætti og heilbrigðiseftirlit. Gjaldið skal standa undir kostnaði við reglubundið sérhæft eftirlit Hollustuverndar ríkisins, þar með talinni starfleyfisvinnslu.
- 4.2. Eftirlit þetta er með tvennum hætti: Annars vegar beint eftirlit sjálfs fyrirtækisins, sem Hollustuvernd ríkisins fær sendar niðurstöður úr og flokkar og metur (sbr. lið 2.3.) og hins vegar eftirlit mengunarvarna Hollustuverndar ríkisins í samræmi við gjaldskrá vegna starfsleyfis skyldra fyrirtækja. Eftirlitsskyldum fyrirtækjum er skipt í fjóra flokka samkvæmt gjaldskránni. Dyrhólalax hf. flokkast í 4. flokk. Eftirlit mengunarvarna Hollustuverndar ríkisins verður samkvæmt 3. grein gjaldskrár vegna starfsleyfis skyldra fyrirtækja nr. 355/1986.

### 5. Gildistaka.

- 5.1. Starfsleyfi þetta sem veitt er í samræmi við mengunarvarnarreglugerð nr. 386/1989 sbr. lög nr. 81/1988 um hollustuhætti og heilbrigðiseftirlit, öðlast þegar gildi.

*Heilbrigðis- og tryggingamálaráðuneytið, 9. mars 1990.*

**Guðmundur Bjarnason.**

Páll Sigurðsson.